

Statâräädi tuhhiittij asâttâs säämi šonġâdâhräädïst

Uđđâ šonġâdâhlaavâ vuáđuld vuáđuduvvee säämi šonġâdâhräädï aalgât kiđđuv tooimâs. Säämi šonġâdâhräädï tárguttâssân lii pyehtid sämmilij tiätuvuáđu já uáinimčievâid uáassin šonġâdâhpolitiik valmâštállâm.

Statâräädi tuhhiittij onne 9.njuhčâmáánu asâttâs säämi šonġâdâhräädïst. Säämi šonġâdâhräädï lii jiečânâs äššitobdeegaan. Tom tárguttâssân lii pyehtid sämmilij tiätuvuáđu já uáinimčievâid uáassin šonġâdâhpolitiik valmâštállâm.

“Šonġâdâh pakkânem vaaigut eromâš taavijn sâmikulttuurân já ärbivuáválâš iäláttâssáid, moh vuáđuduvveh arktâlâš luándun. Tondiet lii veltimettum, ete sämmilij algâaalmug tiettim puáhtá vâldid nanosávt mielid šonġâdâhpolitiik kyeskee meridentohâmân. Säämi šonġâdâhräädïst lii máhđulâšvuodâh meiddei toimâđ aalmugijkoskâsâš oovdâstjotten já sundečäitten algâaalmug vuoigâdvođâid huámmášumán váldoo šonġâdâhpolitiikân”, iätá pirâs- já šonġâdâhminister Maria Ohisalo.

Šonġâdâhräädï pyevtit tiätuvuáđu sâmikulttuur já sämmilij rievtiij uáinimčievâst.

Tääl tuhhiittum asâttâssáin târkkilistuvvoo šonġâdâhlaavâ asâttâsáid säämi šonġâdâhräädïst. Säämi šonġâdâhräädïst lii saavâjođettejee, värisaavâjođettejee sehe enâmustáá love eres jesânid. Ucemustáá pele jesâniijn ferttejuh leđe säämi ärbivuáválâš tiäđu haldâšeijeh. Eres šonġâdâhräädï jesâneh ovdâsteh pirâstiettuud teikkâ eres kuávdááš tiedâsuorgijd.

Šonġâdâhräädï pargon lii eereeb iärrás puovtâd tiätuvuáđu sâmikulttuur já sämmilij rievtiij uáinimčievâst aalmuglâš šonġâdâhpolitiik vaikuttâsâi árvuštállâm já čuávum várás.

Sâmikulttuur eromâš herkki šonġâdâhnuvástusân

Šonġâdâh lieggân arktâlâš kuávluin huámášittee jotelubboht ko eres soojijn maailmist. Sâmikulttuur lii eromâš raše šonġâdâh lieggânâmân, tastko ärbivuáválâš sâmikulttuur lii alda ohtâvuodâst arktâlâš luándun.

Säämi šonġâdâhräädï lii maailmviđosávt áinookiärdâsâš aalmuglâš orgaan, mii váldá huámmášumán algâaalmugij rievtiij.

Šonġâdâhräädï asâttem valmâštálloo kiiđâ 2023 ääigi.

Asâttâs säämi šonġâdâhräädïst (LINKKÂ)

Lasetiäđuh:

Karin Cederlöf
haldâttâsčallee
pirâsministeriö
p. 0295 250 010
karin.cederlof@gov.fi

Minister sahiittâllâmtâttumeh:

Heikki Isotalo

pirâs- já šonjâdâhminister eromâšišedeijee

p. 040 861 7204

heikki.isotalo@gov.fi